

**Erich Bolinius**

[www.erichbolinius.de](http://www.erichbolinius.de)

[Erich.Bolinus@t-online.de](mailto:Erich.Bolinus@t-online.de)

## **Bericht über den BSV Kickers Emden - Sendung „Flutlicht“ auf Radio Ostfriesland**

**Donnerstag, 8.11.2012 18.05 Uhr** auf 94.0 bzw. 87,7

Moin, leev Toehörers,

dat natt Harvstweer hett Kickers Emden weer 'n Streek dör de Reken maakt. Dat lesd Freedag ansette Spöl tegen de Tabellenföhrer VFL Oldenbörg ist utfallen, wall de Regen de Platz weer maal so recht upweekt harr. „Dat is natürelk skaa, wi wassen so goed drup“, kommentierte Kickers Trainer **Yasin Turan** de Ofsaag. Kickers hett nu al dree Spölen minner as de anner Mannskuppen. Of dat goed is, weet ik neet.

Un för dat Spöl an de komende Saterdag um Klock 6 in dat Oostfreesen-Stadion tegen Damme sücht dat ok neet goed ut. Dat regend nu al dagenlang. Ik hebb mit mien Mannskupp Dingsdagabend noch bi Störm und Regen bi uns up de Platz in Petjem traineert. Dat gung. Man de Drainage is ok völ beter as up de Kickersplatz in Emden. Wenn de Insolvenz vörbi is, sullte man maal dorover nadenken, wo man de Platz feller drög un dormit bespölbaar maken kann.

Wall ik keen Spölbericht van de 1. Mannskupp geven kann, vertell ik dit Maal 'n bietje over de **Damen-Mannskupp** un van de **A-Jögd-Mannskupp** van Kickers Emden.

De Frauen van Kickers Emden spölten bi de Tabellenföhrer TuS Detern. De Emderrinnen harren anfangs 'n bietje toevöl Angst för Detern. Man mit de Tied legten se de of. Se wassen heel faak in Ballbesitt un drogen immer weer moi Kombinationen för. Man 'n Tor wull anfangs neet fallen. Aber in de 41. Menüte was dat ennelk sowiet. **Stefanie Schröder** skoot mit hör linke Foet dat 1:0 för Kickers. De Kickersfrauen laggen sük bold noch in de Arms, as al de Utglik full. Na de Pausentee drückte Kickers un leet Detern neet mehr faak vör dat Tor komen. In de 70. Menüte skoot dann **Sabrina Köhler** dat 2:1 – dormit was dat Spöl wunnen – un Detern was neet mehr Tabellenföhrer.

De A-Jögdmannskupp van Kickers Emden wunn dat Keller-Spöl tegen de SC Condor Hambörg mit 1:0. Dat Spöl wurr up Ogenhöchte dörföhr. Kickers-Trainer Christian Rosendahl meente achterran, dat dat beste Spöl in de lopende Saison west was.

De Jungs van Kickers Emden leggen lös as de Fürwehr. Al na 7 Menüten harr **Lukas Drieling** de Föhren glik tweemaal up de Foet.

Aber een paar Menüten kunn Drieling de Ball doch in 'n Nett van Hambörg unnerbrengen. Man na dit Tor denen de Kickersjungs 'n Gang toerüggsallten. Dordör kwamm de Gast immer weer gefahrelk vör dat Kickerstor.

In de 2. Halvtied fung Kickers sük weer un harr de een of anner Kans. So harr **Mattis Schultz** in de 69. Menüte dat 2:0 up Foet, man de goed Torwart **Tuffour** hull de Ball.

Insgesamt gaff dat aber in de 2. Halvtied noch völ Leegloop. Man de Instellen van de Kickers-Junioren, de stimmte. Un dat lett vör de kommende Tied doch hopen.

Lesd Week stunn in de Oostfreesen Bladd (Ostfriesen Zeitung) 'n Bericht over 'n Spöl van Kickers Emden tegen Rot-Weiß Essen, dat vör 40 Jahr, also 1972, dörföhr worden is. Kickers verlor wall vör 2.500 Toekiekers mit 3:9, de Jungs hebben sük domaals aber goed slaan. As ik de Namen van de Kickersmannskupp lesen hebb, kwamm dat Erinnern an de damalige Tied, wor ik ok noch in de 1. Mannskupp van mien Vereen, SV Petkum, spölte, weer hoog. Ik hebb mi disse Spöl van Kickers domaals natürelk aneken. Hier noch maal de Namen van de Spölers: **Preuss, Matzk, Nawrodt, Brouwer, Dannen, Spaans, Visser, Boermann, Wojak,**

**Herzog un Mülder.** De een of anner treff ik noch faaker in d' Stadt. Dann word over oll Tieden proot. Ja, wassen domaal moi Tieden, de ik neet missen muss.

Och ja, **Willi „Ente“ Lippens**, de domalige Star spölte bi Rot-Weiß Essen. För sien Dribbelkünsten was he in de Bundesliga bekannt. Unvergeten is sien Gespreek mit 'n Schiedsrichter, de hum de geel Kaart mit de Woorden wees: „Herr Lippens, ich verwarne Ihnen!“ Worup Lippens antwoorde: „Herr Schiedsrichter, ich danke Sie!“  
Dorför kreg he de rood Kaart.

Leev Toehörers van Radio Oostfreesland,  
dat was dat weer maal för disse Week.  
Ik hoop, Joe hett dat Plattdüütsk gefallen, denn mien Motto heet ja alltied,  
plattdüütsk dürt - nettso as Kickers Emden – neet unnergahn.  
Bit anner Maal  
Joe  
Erich Bolinius  
ut Emden-Petjem (Petkum).